

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 04.04.2018թ. թիվ 1807881033 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<03>> 05 2018թ. 14-13-45774-18/17-13-76

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Ռաֆայել Բաղդասարի Բաղդասարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Կոտայքի մարզի Զրվեժ գյուղի Այգեգործական փողոցի 5 տան բնակիչ Ռաֆայել Բաղդասարի Բաղդասարյանը դիմումով հայտնել է, որ <<MITSUBISHI>> մակնիշի 34UM894 հաշվառման համարանիշի տրանսպորտային միջոցը վարել է ինքը, ուստի խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 04.04.2018թ. թիվ 1807881033 որոշումը՝ նշելով, որ իրավախախտումը կատարել է հարկադրված ավտոմոբիլի խափանման պատճառով:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Ռաֆայել Բաղդասարի Բաղդասարյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ՝ հետևյալ պատճառաբանությամբ.

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է՝

ա) անձը՝ նրա համար բարենպաստ փաստական հանգամանքների առկայության դեպքում.

բ) վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Տվյալ դեպքում դիմումատուի համար, որպես բարենպաստ փաստական հանգամանք կարող էր դիտվել իրավախախտումը ծայրահեղ անհրաժեշտության վիճակում կատարած լինելը, որի ապացուցման պարտավորությունը կրում է նա, սակայն, չի ներկայացրել որևէ ապացույց:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝

ա) օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով.

բ) կեղծ փաստաթղթերի կամ տեղեկությունների հիման վրա, կամ եթե ներկայացված փաստաթղթերից ակնհայտ է, որ ըստ էության պետք է ընդունվեր այլ որոշում:

Տվյալ դեպքում դիմումատուին վարչական պատասխանատվության ենթարկելու մասին որոշումը չի ընդունվել օրենքի խախտմամբ, սխալ կիրառման կամ մեկնաբանման, կեղծ փաստաթղթերի կամ տեղեկությունների հիման վրա, ուստի բացակայում է այն անվավեր ճանաչելու որևէ հիմք:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ռաֆայել Բաղդասարի Բաղդասարյանի՝ Ճանապարհային ոստիկանության վարչական տույժ նշանակելու մասին 04.04.2018թ. թիվ 1807881033 հրոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Ռաֆայել Բաղդասարի Բաղդասարյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Ռաֆայել Բաղդասարի Բաղդասարյանին և ՃՈ ՏՄՀԽԱ կենտրոն:



Ե. Կարապետյան